



UNIVERSITÄTS-
BIBLIOTHEK
PADERBORN

**VRBIS|| HIEROSOLIMÆ|| QVEMADMODVM EA CHRISTI||
tempore floruit, & suburbanorum eius brevis.||
descriptio.||**

**Adrichem, Christiaan van
Coloniae Agrippinae, 1585**

VD16 A 298

Alivd Franconis Estii Gorcomij.

[urn:nbn:de:hbz:466:1-64394](https://nbn-resolving.org/urn:nbn:de:hbz:466:1-64394)

11

ALIVD FRANCONIS ESTII
Gorcomij.

ANtiquæ Solymes, terra decora alta Syriſſa,
Mœnia, fatidicis muliùm cantata prophetis,
Iſacidùm quondam ſolia auguſtiſſima regum
Lector amice vides, ſolerte renata labore,
Inq̃, recente typo formam referentia priſcam;
Mœnia finitimas non tantùm nota per oras,
Sed quacunq̃, patet terrarum maximus Orbis,
Quà Sol mane diem curru ſtammante reducit,
Quàq̃, iubar feſſus ſero iam veſpere condit,
Amphitheatralis miſnor vt ſit gloria fama,
Ac operum eſt olim quicquid mirata vetuſtas.
Mœnia primaui poſt impia facta parentis
In quibus aſſulcit noſtris lux prima tenebris,
Et rediuiua ſalus agris mortalibus orta eſt,
Morte paleſtrites vbi victa, liuida Chriſtus
Coutriuit pedibus maleſuadi colla Ceraſta,
Et Phlegetontæi ſpolijs gauſus Auerni
Stellantis limen nobis reſerauit Olympi.
Haud impunè tamen Stygijs lymphata Chelydris
Auſa immane nefas vrbis gens incolæ ſanctæ,
Demiffam celo ſobolem, pia pignora Patris,
Spem Diuùm atque hominum, dum funere multat acerbo
Innocuam, & ſontem nullo, niſi crimine noſtro.
Prodigijs ſed enim ſubito celeftibus acta
Vindicis ingentem præſenſit Numinis iram:
Vidit per nubes acies certare cruentas,
Atque enſem radiare ſupra delubra minacem,
Plurimaq̃, iſtantis non vana oſtenta ruina.

Armis Troiugenūm donec vastata Quiritum,
 Pressa fame, quassata a malis, exhaustaq; tabe
 Aëris haud sani, plebis procerumq; caterua
 Occidit, ac tandem sacra subuersa Sionis
 Illa cadit moles, saxis & saxa reuulsa
 Ardua demissis æquarunt culmina terris,
 Victaq; Romanas timuit Iudæa secures.
 Vix Solymæ veteris quicquam nisi nobile restat
 Nomen, & ad seros prorepens fama nepotes.
 Non tulit immenso Christi percussus amore,
 Egregiusq; animi, Batavae telluris alumnus
 Christiades Adrichom, proauito stemmate clarus,
 Tam sancti veneranda loci vestigia, rerum
 Tantarum monumenta premi sub nubibus atris,
 At que oculis animisq; simul subducier ipsis.
 Ast vt apis flores aut Hyblæ, aut dulcis Hymetti
 Peruolitans hic inde legit, conditq; operosis
 Mella sapor a fauis, nulliq; imitabile donum
 Fabricat, & paruis molitur maxima cellis:
 Sic passim veterum delibans scripta virorum,
 Præclarum meditando opus, Diuina coëgit
 Tot portenta simul parua celata tabella.
 Vt fora cum vicis, Regumq; palatia, turre,;
 Templaq; mittamus summo fundata Tonanti,
 Mirandum Salomonis opus, terrisq; stupendum;
 Gesta suo quæcunq; loco, numerisq; notata,
 Tam clara sub luce patent, sic ordine certo,
 Vt fieri, non duntaxat cerni, omnia credas.
 Hic videat pius extrema cœnacula mensa,
 Æterniq; suis dantem se fœdere Christum.
 Hic videat funestus vbi, dirisq; sacratus,
 Prodidit in fontem Dominum malefidus Iudas.

Hic Anna, Caiphaq³ domum, ludibria, flagra,
Quicquid & infesta sub plebe, & iudice passus
Non aequo, assertor lapsus spesq³ vnica nostri;
Quaq³ viam fecit sub pondere pressus iniquo
Baiulus humani sanctissimus ille reatus;
Quoq³ loco (bonus ab quis parcat fletibus) heu se
Impendit nobis, & mortem morte peremit,
Carceris & nostri rupit retinacula victor.
Chare Adrichom, Delphis non inficiande paternis,
Quae precor o tantarum opifex tibi premia rerum?
Laus quando mundana tibi, tibi munera sordent?
Ipse tibi merces meritorum, & gloria fiat,
A quo nomen habes, pro quo tot adire labores
Sex lustris tibi dulce fuit, ceu prae pete penna
Cuncta Palaestina vt vigili loca mente pererrans;
Lustrares animo, mira q³ industrius arte
Colles & Libani, & semper fragrantis Idumes,
Melle solum manans, & lacte fluentia regna,
Abrami prisca promissa Nepotibus arua.
Ipse inquam merces fiat, qui se tibi totum
Protensis manibus, nec parco sanguine fuso
Tradidit, ipse iterum celo rutilante propinet
Se tibi, & aeterni sociatum vinculo amoris
Heredem adsciscat patrum per sacula regni.

ALIUD